



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 21. Imperatoris de Papa querelæ.

[urn:nbn:de:hbz:466:1-66268](#)

Romanos renovata, in qua pro Ecclesia ^{Sæcul. XIII.}
tam large profudimus opes nostras, & nos A.C. 1239.
ipso ita exposuimus, ut omnem de nobis
suspicionem malam extinctam crederemus.

Longius progressi, sponte nos Papæ præsen-
tes fitimus una cum dilecto filio nostro
Conrado electo Rege Romanorum, ac Regni
Hierosolymitani hærede, qui nobis instar
unici filii tunc erat, cum frater ejus in nos
insurrexisset. Nec dubitavimus illum Pa-
pæ in ob sidem nostræ cum Ecclesia reconcilia-
tionis offerre: cumque Papa & tota ejus
Aula bonæ voluntatis specimina nobis da-
ret, controversias, quæ tum nobis cum Lomb-
ardis, tum civibus Ptolemaidis cum or-
dine Nobilium intercesserant, illius iudicio
plane relinquendas censuimus. Ita de pro-
spero rerum nostrarum exitu confidentes, Ec-
clesie subsidio alacres venimus cum nume-
roso exercitu e Germania Italiaque magnis
sumptibus collecto, nec ab expeditione nostra
prius deslitimus, quam Ecclesiæ suam liber-
tatem Romæ oppressam, & foris terras ini-
que ademptas redderemus.

§. XXI.

Imperatoris de Papa querelæ.

Audite jam, qualem nobis gratiam Chri-
sti Vicarius pro talibus obsequiis retu-
lerit! Primo ad negotium transmarinum
quod attinet, quæcunque Archiepiscopus Ra-

X 2 vennas,

Sæcul.XIII. vennas, Nuncius Apostolicus secundum præ-
A.C.1239. cepta sibi tradita constituerat, ut nos in
pristinam possessionem nostrorum jurium ad
Regnum Hierosolymitanum mitteret, ex ad-
ventu Archiepiscopi Cæsareensis omnino de-
structa fuere non expectato Nuncio, vel
nostra ad Aulam Romanam legatione, aut
longiore spatio, quam quod ad numerandos
aureos Byzantinos Papæ allatos necessa-
rium erat. Quantum ad res Italica spebat,
tantum aberat, ut eas secundum promisso-
nem suam in modum nobis & Imperio hono-
rificum componeret, ut nulla precum no-
strarum ratione habita nec nostros revoca-
ret hostes, qui in Lombardia & in Hetruria
subjectos nobis ac fidos cives expilabant,
nec copias in usum Ecclesiæ comparatas illuc
ducendi potestatem nobis faceret. Denique
Papam rationibus nostris pacique Italica fa-
ventem habendi spe perdita, ad arma con-
versi, accivimus militem, quem in Germa-
nia conducere Henrici filii nostri seditio no-
compulerat. Id edocitus Papa per litteras,
ne Italianam armati intraremus, prohibuit, au-
xili Terræ sacræ ferendi causa indictas
esse inducias causatus, cum tamen eodem die,
quo inducias promulgatae sunt, nos orasset,
ut in sui gratiam contra Romanos move-
remus. Addebat eadem in epistola, Lom-
bardicum negotium suo arbitrio sine ulla
conditione permittendum esse. At quia no-
sententia nostri consilii, nec præteriorum ex-
perientia

perientia id nobis suadebat, ille alia utens ar- Sæcul.XIII.
 te, Episcopum Prænestinum ad nos misit, A.C.1239.
 quem in litteris suis tanquam virum san-
 ctum nobis commendabat, qui tamen Pla-
 centiam nobis parentem ad Mediolanensium
 factionem reduxit, & per quem Papa se
 corrupturum fidem civium nobis subditorum,
 ac nostros in Italia progressus cohibiturum
 confidebat. Hac spe abrupta, vastitatem per
 arma nostra rebellium agris illatam videns,
 litteras ac Legatos in Imperium, totum-
 que per orbem misit, ut quos posset, omnes
 ab obedientia, & amicitia erga nos sua aver-
 teret. Quo comperto, vincere bono malum
 etiamnum volentes, ad Sedem Apostolicam ^{v.} Ital. Sac.
 Legatos misimus, nempe Berardum Archi- ^{to. 8. p. 407.}
 episcopum Panormitanum, Episcopos Flo-
 rentianum ac Reginensem, Magistrum Thad-
 dæum * Sueffium magnæ curiæ nostræ Ju- * de Sueffe
 dicem, ac Rogerium ** Porcastrellum, facel- ** de Porca-
 lo nostro Præfectum. Hanc Cæsar legatelle
 tionem ad Papam misit Anagniæ commo- Ric. S. Ger.
 rantem mense Augusto 1238. ^{p. 29.}

Fridericus in litteris ita pergit: Pa-
 pa, quæ Legati proposuerant, ex consilio
 Cardinalium rata habuit, ac redeuntibus Ar-
 chiepiscopum Messanensem adjunxit, pro-
 gressuum nostrorum impedimenta se ubique
 sublaturum pollicitus. Id totum demon-
 strant omnium horum Præfulum litteræ. Sed
 antequam Legati nostri ac ejus Nuncius
 ab aula Romana tridui itinere abessent, in

Sæcul. XIII.
A.C. 1239.

Lombardiam Gregorium Montelongium cum Legati munere misit, qui postea Mantuanos, cæterosque servitiis nostris addictos convertere conatus est. Præterea ad quosdam Italie, Germanicæque Præfules in aula nostra agentes misit litteras, maculandæ famæ nostræ idoneas, certaque puncta contineentes, singulariter de existimatis Ecclesiærum Siciliæ vexationibus, de quibus admoneri nos per hos Præfules volebat. Haec puncta omnia cum responsis nostris in forma justissimæ authoritatis ac fidei vobis mittimus. Rem totam & singula rei capita Optimatibus, Præfulibus, multisque diversorum Ordinum Religiosis exposuimus, quos tanta Papæ levitas in ruborem dedit; Etiamen ex eorum consilio Archiepiscopum Pænortitanum, Thaddæum, ac Rogerium Legatos nostros, cum Oratoribus civitatum nobis fidelium ad Papam remisimus, cui nostro nomine declararunt, nos ad omnem satisfactionem ipsi sine mora præstandam paratos esse.

At furorem propterea non ponens, cum Legatos nostros talibus pacis consiliis instructos unius tantum diei itinere Roma abesse sciret, propere ac præter morem Ecclesiæ Dominica Palmarum primum dein die Cœnæ Domini sacra contra nos sententiam pronunciauit, per quam, ut dici audivimus, nos ab Ecclesiæ corpore segregavit ex consilio quorundam Cardinalium Lombardo-

rum

rum, quamvis senior reliquorum pars ob-Sæcul. XIII.
sistaret. Et per satellites suos pauperum A.C 1229.
damno conductos Legatis nostris, qui jam ad-
venerant, aditum præclusit, ne rationes no-
stras proponerent, ac innocentiam nostram
demonstrarent. Quamvis autem, peculia-
res rationes nostras & Papæ dedecus si spe-
citemus, hic agendi modus in rem nostram
sit; haud parum tamen nos affigit, dum Ec-
clesiæ communis matris nostræ honori con-
sultum volumus. Sed neque credimus, il-
lum nobis potuisse jus nostrum tribuere, et si
nobis injuriam facere potuerit: nam eum non
agnoscimus Judicem nostrum, cum se jam
nostrum hostem capitalem professus esset, ci-
vibus in nos seditionis, ac Imperii hostibus
publice favendo. Immo indignum, qui au-
thoritatem Pontificiam exerceret, se reddidit
protegendo Mediolanum, cuius maximam
partem hæretici incolunt, ut idoneis autho-
ribus compertum habemus.

Declaramus etiam, pro Christi Vicario
non habendum esse hominem, qui, cum se-
cundum Ecclesiæ disciplinam non nisi post
maturam deliberationem consultis Cardina-
libus solutiones a legibus facere deberet,
illas suam manu scriptas & obsignatas
in conclavi suo clanculum vendit. Insuper
prævaricatio est, quod Nobiles Romanos
quosdam sibi addictos, nobis infensos red-
dere conetur, nec pecuniis solum, sed & arci-
bus ac terris donet, patrimonium Ecclesiæ

Sæcul.XIII.
A. C. 1239.

Romanæ, cuius defensor sumus, dissipans.
Nemo igitur miretur, si sententiam talis Ju-
dicis negligamus, non per contemptum Pon-
tificiae dignitatis, cui parere Christiani omnes
Et nos præ aliis debemus, sed ob vitium viri,
qui tanto honore indignum se reddidit. Atque
ut universi Principes Christiani non impo-
tentia nos in Papam animo, sed recta inten-
tione ferri intelligent, Sanctæ Ecclesie Ro-
manæ Cardinales per sanguinem JESU
Christi Et per divinum judicium obtestamur,
ut concilium generale, eoque Legati nostri
cæterorumque Principum convocentur; quo-
rum in præsentia præsentes Et ipsi hæc omnia,
quæ diximus, plana faciemus. Quacunque
cura conscientiam nostram perscrutemur, no-
bis occurrit nihil, quod hanc Papæ vexa-
tionem nobis accire potuerit, nisi quod inde-
corum fore duxerimus, si cum eo de nepte sua
Henrico filio nostro naturali, modo Turrium
Et Galluræ in Sardinia Regi, nuptiis jun-
genda ageremus.

Vos itaque, Reges ac Principes terra,
vos non mei tantum sed Et Ecclesie com-
miseratio tangat. Injuriam, quæ mihi fa-
cta est, vobis illatam credite: afferte aquas
ad extinguendum ignem vestra in vicinia
accensum! Simile vobis disserimen immi-
net: videntur reliquæ Principes haud ægre
deprimi posse, quando Imperator obteritur,
qui ictus eis intortatos excipere debet. O-
ramus proin, ut nobis auxilio veniatis;
non

*non quod propulsandæ injuriae impares si- Sæcul.XIII.
mus, sed ut orbi universo constet, profa- A.C.1239.
norum Principum vel uno impetito to-
tius corporis honorem laedi. Epistola da-
ta est Tarvisii 20 Aprilis.*

§. XXII.

Responsum ad Papæ querimonias.

Missa simul ad Papæ querelas respon-
sio est alia epistola fusa, ad Papam <sup>ap. Matth.
Paris. p.417</sup> Würzeburgensis, Wormatiensis, Vercel-
lensis, & Parmensis Episcoporum nomi-
ne anno præterito durante reconciliatio-
nis cum Papa negotio scripta, & respon-
sum ad puncta continens, de quibus is
Imperatorem per illos Præfules admone-
ri volebat. *Hæc illi exposuimus, ajebant, Sup. g. 1.*
*& spe nostra multo submissiore inveni-
mus. Archiepiscopi Panormitanus & Mes-
sanensis cum Episcopis Cremonensi, Lau-
dano, Novariensi, & Mutinensi præsentes
erant: complures etiam Fratres Prædica-
tores Minoresque illuc vocaveramus. Im-
perator ad omnia plene ac distincte respon-
dit, ut sequitur. Puncta quatuordecim a
Papa missa, ac vix non eadem, quæ dein
litteræ proscriptionis exhibebant, cum
Imperatoriis ad singula responsis percen-
tentur.*

*Punctum I. Ecclesiæ Montis Rega-
lis, Cephalædis, Catanæ, ac Scyllacei,*

X 5

cum